

Երբեմն, դանդաղ քայլերով, մարդիկ են անցնում: Պառաւ մի կին՝ դողդողացող գլուխով, թեւերի մէջ զգուելի մի շնիկ բռնած: Սպրդնած դէմքով մի աղջիկ, որի վրայ մեռած տերեւներ են ընկել: Պանութի մօտ կանգնած մռայլ մի վաճառական՝ հաշիւը գլխին, փորը ծանր եւ սիրտը ճարպոտ:

Աւագի վրայ թումբեր են կազմուել: Ծովը առաջացել է մինչեւ կարիւնները՝ ծոռած եւ այլանդակ:

Մայթի վրայ քայլերս հնչում են կտրուկ եւ արագ: Զեռնափայտոս կպցրել եմ գլխարկիս, դէմքս հովին տուել եւ սիրտս անորոշին:

Սիրտս տուել եմ անորոշին:

Ծովափի վիլլաները փակ են: Արձանները մրսում են: Երբեմն դատարկ մի տրամուռ է անցնում: Հեռագրաթելերը դողում են ու երկարօրէն մայում:

Փողոցը երկար է եւ ամայի: Գնում եմ թեթեւ: Քայլերս առաջանում են առանց դըժուարութեան, անկաշկանդ, ազատ, եւ այն ամէնը, ինչ որ տեսնում եմ, օգնում է ինձ դեռ աւելի առաջանալու: Մէջս գտնուող տարօրինակ մի ուժ մղում է ինձ, քշում:

Քշում է աննպատակ կերպով. սահմանները անհետացել են աշնան գեղին լուսաւորութեան մէջ ու մարմինս իսկ կարծես դուրս է եկել իր կազապարից:

Աշխարհը ամբողջովին նոր է եւ անմեղ: Ամէն տեղից կեանքը բխում է բնականօրէն, ինչպէս վախ ու դուարթ մի աղբիւրից: Կոհակները ամին են ընկնում եւ տարածւում այնտեղ, ուր նրանք կանչուած են:

Ոտերիս տակ մի միջատ է սողում. ճանապարհս մի քիչ ծոռած եմ. չլինի՞ թէ նրան որեւէ վնաս հասցնեմ:

Աչուներ ժպտում է:

Այն անորոշ զգացումը, որ ապրում է մէջը, որ ապրում է անսահման մարմնիդ մէջ, դուրս է թափւում իր եզրից, տարածւում է ամէն կողմ, ճառագայթում է եւ դառնում է համաշխարհային:

Մեծ մի շուն կանգնել է մայթի վրայ, չարժում է իր սոզը եւ բարի, գրեթէ մարդկային աչքերով նայում է ինձ: Ես եւս նրան նայում եմ բարի աչքերով: Զդու՞մ եմ, որ բա-

րի եմ: Աւելի շուտ՝ զգում եմ, որ մաս եմ ընդհանուր բարիութեան: Նա ինձ չըջապատում է, ծածկում, քայլերիս թեթեւ երազանք է տալիս, մտքիս՝ թեւեր ու սրտիս՝ դինովութիւն:

Ծովը աչքերիս մէջէն է: Հեռում շարքով երկարող առազաստանաւերը երկնքի վրայ նշաններ են դնում. կարծես անհարկօրինի գիծը պիտի յաղթեն, սահմանը անցնին եւ կամայ կամայ պիտի բարձրանան վեր, դէպի անհունի բաց կապոյտը եւ դանդաղօրէն պատրուտող ճերմակ ամպերը:

Ա՛հ, լաւ է այդպէս:

Լաւ է զգալ, որ էակները եւ իրերը շաղկապուած են եւ միացած, որ ամէն ինչ արտացոլում է՝ արտացոլում է մէկը միւսին՝ որ լազուրը աչքերիդ մէջէն է եւ աչքերդ լազուրի մէջ, որ կեանքը բարդ է եւ մի ու սիրտդ անհարկ սուրող ճերմակ թռչունի գեղեցիկ թեւերի նման են:

Լա՛ւ է այդպէս:

Սան Նիկօլօի մօտից մի շոգեհաւ է մեկնում: Հեռուից մեքենական խաղալիքի է նրմանում: Պզտիկ, մի քիչ թեքուած եւ տխուր: Տխուր ծովի անակնկալի առջեւ. բաց ծովում անպաշտպան եւ միակ զգալու առջեւ:

Մեկնում են նաւերը երկրագնդի չորս ծայրից. քարտէսների վրայ գծուած կարմիր գծերի վրայով: Քարափի մօտ կանգնած մարդիկ վերջին բարեւներն են լրկում. օդում թռչկունակներ են շարժւում. մեխամարձոտ աչքերով նայում են հորիզոնի մօտ փոքրացող, անվերապարձ նաւին ու, մի քիչ աղքատացած, վերադառնում են տուն կամ շարունակում են իրենց ամենօրեայ գործը: Մի օր էլ, յանկարծ, օրաթերթերը միլիոնաւոր ձեռքերի մէջ դողում են, վախեցած, անձկոտ նայուածքները կանգ են առնում անաւոր գրերի առջեւ — S. O. S.

S. O. S.

Մրտերի մէջ ծովը փչրում է իր ալիքները: Վտանդը կանգ է առնում թմբած դիտակցութիւնների առջեւ: Մահը ման է գալիս փոթորիկի մէջ, անթելի հետ վազում է քաղաքները եւ գիւղերը ու թերթի սեւ տողերում երեք գիր է ընտրում ու ցցում նրանց ինչպէս մի շատ անաւոր բան: Ո՛չ այլեւս Դիւրերեան կմախքը, որ ման է գալիս անկարելի դաշտանկարն-